



UNIVERSITÄTS-  
BIBLIOTHEK  
PADERBORN

# **Institutiones Canonicae Sive Ivs Ecclesiasticvm**

**Wiestner, Jacob**

**Monachii, 1705**

IX. De Primitijs.

---

[urn:nbn:de:hbz:466:1-62668](https://nbn-resolving.org/urn:nbn:de:hbz:466:1-62668)

## ARTICULUS IX.

## De Primitiis,

## SUMMARIUM.

128. Primitia sunt primi fructus agrorum, vinearum &c.  
 129. Vel potius eorum pars aliqua.  
 130. Parochis praestanda.  
 131. In Nova lege ex precepto Ecclesiae fito.  
 132. Cui Consuetudine in multis locis est derogatum.

128. **P**rimitiæ dicuntur frugum initia sive primi fructus, qui Dei beneficii ex agris, vineis, hortis, arboribus producantur, Exodi cap. 23. v. 19. & Numer. cap. 18. v. 11. Primitia inquam, non bonitate sive optimi: sed tempore sive ante alios maturescentes & collecti: sicut primogenita animalium foetus primi vocantur: licet optimi non sint, Suarez Tract. 2. de Relig. lib. 1. cap. 8. n. 2.

Differunt à Decimis; quod istæ ex ipsa nominis vi sint fructuum quotannis provenientium decima pars, & exhibeantur immediatè Ecclesiae ministris in ipsorum alimenta & stipendium sustentationis, ob spiritualia ministeria, & in recognitionem supremi atque universalis

129. Domini Dei, c. Tua nobis 26. Primitiæ autem sint primi fructus collecti ex terris qui non omnes, sed eorum aliqua duntaxat, quadragessimâ non major & non minor sexagesimâ, pars, ut ex S. Hieronymo in Ezech. cap. 45. refertur c. 1. & de primogenitis animalium, foetus non omnes, sed ex ducentis unus: vel, si tot non essent, æstimatio secundum quantitatem ejus numeri, Glossa in c. 1. cit.

V. Primitiis, immediatè offerebatur Deus in recognitionem beneficii & gratiarum actionem pro frugibus terræ: licet etiam ipsæ cederent in alimenta Sacerdotum & Ecclesiae ministrorum, Azor p. 1. lib. 7. cap. 27. q. 6. & Palao Tract. 10. de Primitiis p. 16. n. 1.

Exhibendæ autem Primitiæ fructuum prædialium jure communi sunt Perrocho, intra cujus Ecclesiae fines sint prædia & fundi, ex quibus fructus producantur; quia sunt onus Reale ipsorum prædiorum. Ex Consuetudine tamen aliquando clericis aliis, puta Sacramentum ministrantibus, instar decimarum Personalium obvenire solent, Rebuffus de Decimis q. 1. à n. 16. Azor cit. cap. 27. q. 7. & Barbosa de Offic. Parochi cap. 27. n. 1.

Dubium est, an eas offerendi obligatio detur. In veteri Testamento ex obligatione & precepto Divino solentur; quæ ex Sacris textibus initiè allegantur: quibus præcepta Decimas & Primitias quod Populus Judaicus non exhibebat, adversus ipsum Deum, Malach. cap. 3. v. 8. gravissimè est conquestus. Quod Ceremoniale Mosaicæ Legis præceptum, post mortem Christi cum illius Sacerdotio evaporârît, secundum Apostol. ad Hebr. cap. 7. v. 12. & c. Translatio 3. de Consuetudine in Constitutionibus tamen Ecclesiasticis, in Nova Lege resuscitatum fuit. can. Revenimus 67. pr. 16. q. 1. can. 1. ibidem q. 7. & c. hâc Rubr. Sed huic etiam Juri contrariè Consuetudine cum tempore derogatum, & in multis locis Primitiarum obligationes non solum quoad quantitatem & qualitatem variatæ, sed non-usu omnino ablatæ sunt: cui causam fortassis dedit, quod Ecclesiae ministris congruam sustentationem Oblationes & præterim Decimæ et his subrogati alii proventus exhiberent.

Neque hæc Consuetudo, tanquam Corruptela, rectè redarguitur ex eo quod Primitiæ



Primitiæ exhibentur ex Gracitudine pro  
terre fructibus Deo debitæ Jure Natura-  
li; quò proditæ obligationi contraria  
Consuetudo tanquam rationi minus con-  
sentaneæ, ita rejicitur *c. fin. de Consuetud.*  
quia Jure illo ad grates quidem Deo pro  
terre fructibus exhibendas ita obliga-  
mur; ut ea obligatio tolli nequeat: se-  
clusâ tamen lege Positivâ non obligamur  
ad gratias ei referendas determinatè per  
solutionem Primitiarum. Unde has of-  
ferendi obligationem tollens consuetudo  
Juri Naturali non adversatur; cum Deo  
pro illa liberalitate gratos nos exhibere  
alia ratione valeamus, Engel *ad banc*  
*Rubr. §. 4. n. 3.*

ARTICULUS X.

De Oblationibus.

SUMMARIUM.

- 133. Nominis Oblatio varia significatio  
est.
- 134. Propriè accepta à solis fidelibus.
- 135. Et de bonis justè ac licitè quasitè  
recipitur.
- 136. Recipitur à solis Clericis & Reli-  
giosis:
- 137. Non etiam à laicis.
- 138. Oblationes in Missarum solemnibus  
serè ex devotione:
- 139. Certis casibus ex obligatione sunt.
- 140. Ad Parochum spectant, qua in Missis  
fiunt.
- 141. Et ex parte, qua extra eas sunt.
- 142. Earum quadam cedunt Episcopo:
- 143. Quadam Religiosis,
- 144. Aut aliis, quorum intuitu sunt.
- 145. Ad certos usus factas serè Parochis:
- 146. Aliquando aliis, etiam laicis, admini-  
strantur.
- 147. Oblationum in alios usus conver-  
sio, solè Ecclesiasticâ,

- 148. (Privilegiò seclusò)
- 149. Eâque Apostolicâ,
- 150. Vel Episcopali auctoritate fieri pò-  
tèst.

**O**blationis nomen variè, & Imprimis  
quidem accipitur latè ac  
genericè pro omni eo, quod  
Deo, vel ad ipsius cultum quo-  
modocunque exhibetur, & Primitias De-  
cimâsque & ipsum etiam Sacrificiùm com-  
prehendit. Deinde strictè & magis specifi-  
cè pro re quacunque temporali, quæ  
intuitu Religionis à fidelibus immediatè  
Deo absque immolatione exhibetur; ut  
in Ecclesiâ usum ejusque ministrorum  
sustentationem cedat, sive ea mobilis vel  
immobilis, sive per actum ultimæ volun-  
tatis, institutionem hæreditariam, lega-  
tum, mortis causâ vel inter vivos dona-  
tionem, in aut extra Ecclesiam præste-  
tur, *c. Causa 13. & c. Cùm inter 29. de V. S.*  
Demum strictiùs & secundùm fre-  
quentiorem usum pro eo, quod fideles  
per se vel alios in Missa offerunt ad altare  
vel manus Sacerdotis, Laiman *Lib. 4.*  
*Tract. 6. cap. 7. n. 1. & Pirrhing ad banc*  
*Rubr. n. 172.* Postremò hòc modò ac-  
ceptæ

Oblationes in Ecclesiis recipiuntur à  
solis Fidelibus, non excommunicatis, se-  
cundùm S. Clementis *Lib. 3. Constitus.*  
*Apost. cap. 8. & Concil. Illiberitani cap.*  
*28. & de rebus ipsorum propriis, licitè &*  
*justè quasitis, c. Quia in omnibus 3. de*  
*Usuris & c. causa cit. juxta illud, Altissi-*  
*mus non respicit in oblationes iniquorum,*  
*Eccles. cap. 34. v. 23. & Divino huic O-*  
*raçulo consonam sententiam S. Gregorii,*  
*qui Præfat. in Job, Victimæ, inquit, impio-*  
*rum abominabiles Deo sunt. Unde Sanctio-*  
*nibus Ecclesiasticis ab Oblationibus*  
*in Ecclesia faciendis removentur Usurarii*  
*manifesti, c. Quia cit. Raptores c. Super*  
*2. de Raptor. Oppressores Pauperum &*  
*fratres diffidentes, can. Oblationes 2. dist.*  
*90. Sacri-*